

տուրի թորգոմյան, Սոս Սարգսյան և ուրիշներ)։ Հայն ճանաչում էն դուրս նաև այլ թատրոններից Սունդուկյանի անվան թատրոնը եկած մի քանի ուժեր՝ Արուս Ասրյան, Արման Կոմիտյան, Կեղամ Հարությունյան, Բարկեն Ներսիսյան, Փան Էրյան, Էդուարդ Համբարձումյան և այլն։

Գերտասանների և ռեժիսորների հետ միասին Սունդուկյանի անվան թատրոնի զեղարվեստական ոսկի ֆոնդի մեջ իրենց խոշոր ավանդն են մուծել թատերական նկարիչները։ Հաճախ ստեղծելով վերին աստիճանի հետաքրքրական, յուրահատուկ, իմաստային, նուրբ ու վառ նկարչական ձևավորումներ։ Մարտիրոս Սարյանը, Գևորգ Յակուկյանը, Սիմոն Ալաքյանը, Միքայել Արուստյանը, Ստեփան Թարյանը, Արա Սարգսյանը, Արմեն Զիլինգարյանը, Կարո Մինասյանը, Մերգեն Արուստյանը, Պասավական Անանյանը, Վասիլ Վարդանյանը, Մելիքսեթ Սվախչյանը, Սարգիս Արուստյանը, Արմեն Գրիգորյանը և ուրիշներ իրենց ստեղծագործություններով շատ են նպաստել թատրոնի ներկայացումների կուլտուրայի բարձրացմանը։ Այդ գործում զգալի դեր են կատարել նաև սովետահայ կոմպոզիտորները։ Թատրոնի քեմագործությունների երաժշտական ձևավորմանը ակտիվորեն մասնակցել են այնպիսի կոմպոզիտորներ, ինչպիսիք են Ալ. Սպենդիարյանը, Անուշավան Տեր-Ղևոնդյանը, Աշոտ Սաթյանը, Արտեմի Ալվազյանը, Սերգեյ Եսթիրյանը, Լևոն Խոբա-Էյնասյանը, Գրիգոր Ադիսպարյանը, Ասեն Բաբաջանյանը և ուրիշներ։

Սունդուկյանի անվան թատրոնը մեր Միության ճանաչված ուղղային թատրոններից է։ Նրա տաղանդավոր կուլեկտիվի բարձր արվես-

տը բազմիցս հիացմունք է պատճառել մեր հայրենիքի մայրաքաղաք Մոսկվայի և եղբայրական ռեսպուբլիկաների հանդիսատեսներին։ 1930 թ. Սունդուկյանի անվան թատրոնը մասնակցեց Համամիութենական թատերական օլիմպիադային, 1941 և 1950 թվականներին դասարանային ներկայացումներով հանդես եկավ Մոսկվայում, 1956 թ. մասնակցեց հայ արվեստի և գրականության տասնօրյակին, միշտ էլ արժանանալով հանդիսատեսների ու թատերական քննադատության բարձր գնահատականներին։ Անվանի արվեստաբաններն ու թատերագետները բազմիցս ընդգծել ու հիացմունքով են խոսել Սունդուկյանի անվան թատրոնի ազգային ռեալիստական արվեստի, նրա ուրույն գեղարվեստական գեմքի, ներքին մեծ պոտենցիալի և ինտելեկտուալ ունակությունների մասին։

1956 թ. Սունդուկյանի անվան թատրոնը պարգևատրվեց Աշխատանքային Կարմիր Դրոշի չքանչանով, 1960 թ. ստացավ ակադեմիական թատրոնի կոչում։

Բոլորելով իր գոյությունը բառասնամյակը, Սունդուկյանի անվան թատրոնը, չի ստեղծագործական հոսանքով ու նոր մտահղացումներով, ձեռնամուխ է եղել կոմունիզմ կառուցող ժողովրդի էսթետիկական դաստիարակության այն նոր ու պատվարիկ խնդիրների կենսագործմանը, որ մեր կուլտուրայի գործիչների առջև դրել է ՍՄԿՊ XXII պատմական համագումարը։

Ս. ԿԵԼԻՍԵՅԱՆ

Հայկական ՍՄԿ արվեստի վաստակավոր գործիչ

ՀԱՅԱՍՏԱՆԻ ՊԵՏԱԿԱՆ ՊԱՏՄԱԿԱՆ ԹԱՆԴԱՐԱՆԸ

Սովետական կարգեր հաստատվելուց առաջ Հայաստանում չկային թանգարաններ, մշտական գործող ցուցահանդեսներ, հայ ժողովրդի դարավոր պատմությունն ու մշակույթը ուսումնասիրող հաստատություններ։

1921 թ., դաշնակների փկտրվարյան ավանտյուրան քախջախկուց հետո, երբ հայ ժողովուրդը ձևոնամուխ է լինում խաղաղ ստեղծագործական աշխատանքի, Երևանի նկարիչները Քրիլիսի «Հայ արվեստագետների ընկերության» անդամների հետ միասին, պետական խառնուրդի միջոցով (այժմյան Երաժշտական կոմեդիայի պետական թատրոնի շենք), կազ-

մակերպեցին նկարների ցուցահանդես, որից մի բանի տասնյակ նկար դեռեց Հայաստանի կառավարությունը և 1921 թ. օգոստոսի 20-ին հիմք դրեց Պետական թանգարանին։ Թանգարանի առաջին վարիչը եղավ նկարիչ Վերանես Ախիկյանը։

Թանգարանի հիմնադրումից մի երկու ամիս անց թանգարանի վարիչ նշանակվեց այժմ ՍՍՄԿ ժողովրդական նկարիչ Մարտիրոս Սարյանը։ Նա ինքն էր հավաքում զանազան պետական ու հասարակական հիմնարկներում պատահաբար գտնվող թանգարանային արժեք ունեցող առարկաներ, գնում էր հայերեն հին-

ձեռագիր գրքեր, յուղանկարներ, հին գրամներ, կենցաղային առարկաներ: Շուտով թանգարանի համար ձեռք բերված առարկաների թիվն այնքան շատացավ, որ հարկ եղավ թանգարանին հատկացնել զեռես կիսաշեն Կուլտուրայի տան ձախ թևում մի մեծ սրահ և երկու փոքրիկ սենյակներ:

1921—1922 թթ. ձմռանը Կովկասի հայոց ազգագրական ընկերության հիմնադիր և ղեկավար Երվանդ Լալայանի ջանքերով Թբիլիսից Երևան փոխադրվեց ընկերության հարուստ հայագիտական գրադարանը՝ պատմա-ազգագրական թանգարանի հնագիտական և ազգագրական գույքը, որի հիման վրա 1922 թ. գարնանը հիմնադրվեցին թանգարանի հնագիտական և ազգագրական բաժինները, որոնց առաջին վարիչը նշանակվեց Երվանդ Լալայանը: Սրանով էլ հիմք դրվեց ապագա Պատմական թանգարանին:

Այդ ժամանակվանից Լալայանը փաստորեն սկսեց կառավարել թանգարանն ամբողջապես, թեև ընդհանուր ղեկավարությունը մնում էր Լուսժողկոմատին կից թանգարանային խորհրդի ձեռքին:

1922 թ. առաջին կիսամյակում Մոսկվայից ստացվեցին առաջին համաշխարհային պատերազմի տարիներին էջմիածնից Մոսկվա տեղափոխված թանգարանային առարկաներն ու Արևելյան լեզուների կազարյան ճեմարանի թանգարանային հավաքածուները:

Թանգարանի հարստացմանը մեծ շափով նպաստեց գրականագետ և պատմաբան Երվանդ Շահագիրը: Նա նոր նախընկանից Երևան տեղափոխեց հայ ընկերության հավաքած թանգարանային ժողովածուները՝ նոր նախընկան քաղաքի պատմությանն ու գրական հասարակական կյանքին վերաբերող բազմաթիվ նյութեր, որոնց հիման վրա 1922 թ. վերջերին կազմակերպվեց թանգարանի պատմագրական բաժինը, որի վարիչ նշանակվեց Սրվանդ Շահագիրը: Պատմագրական բաժնում կենտրոնացվեցին հին հայերեն ձեռագրեր, հայ գրողների ձեռագիր երկեր, նամակներ, փաստաթղթեր, լուսանկարներ և բազմաթիվ այլ գրավոր նյութեր:

1922 թ. վերջում արդեն պաշտոնապես գոյություն ունեին թանգարանի հետևյալ վեց բաժինները՝ հնագիտականը, պատմագրականը, ազգագրականը, զեղարվեստականը, տնայնագործականը և հեղափոխությանը:

Հետագա տարիներին տնայնագործական բաժինը միացվեց ազգագրականին, իսկ հեղափոխության բաժինը 1928 թ. անջատվեց թան-

գարանից և դարձավ ինքնուրույն Պետական թանգարան:

Այսպիսով, Հայաստանի Պետական թանգարանի առաջին տարին, մինչև 1922 թ. վերջը, նրա ձևավորման ժամանակամիջոցն էր, երբ հիմնադրվեցին նրա բաժինները և թանգարանն ստացավ իր պաշտոնական Հայաստանի Պետական կենտրոնական քանդադան անունը:

* * *

Անցյալ 40 տարիների ընթացքում Հայաստանի թանգարանն ապրեց զարգացման մի քանի շրջան:

Առաջին շրջանը, որ գլխավորապես դուրս գալիս զանազան հիմնարկներում եղած թանգարանային առարկաները կենտրոնացնելու և մասնավոր գնումների միջոցով ժողովածուները հարստացնելու վրա, տևեց մինչև 1931 թ.:

1926 թ. Երևան փոխադրվեց և հանձնվեց հնագիտական բաժնին Անիի հնադարանի գույքի այն մասը, որ հաջողվել էր կորստից փրկել և ժամանակավորապես պահել Սանահնի վանքում:

1929—1931 թթ. ընթացքում էջմիածնի Պետական թանգարանի գույքը ևս հանձնվեց Պետական կենտրոնական թանգարանին:

1931 թ. թանգարանին հանձնվեցին Հնությունների Պահպանության կոմիտեի կողմից ութ տարիների ընթացքում պեղումների և զանազան հողային աշխատանքների ժամանակ պատահականորեն բացված հնությունների ու մասնավոր ձեռքբերումների միջոցով հավաքած մի քանի հազար հնագիտական առարկաներ:

Ստացվում էին թանգարանային առարկաներ նաև զանազան հաստատություններից՝ Լուսժողկոմատից, Հողժողկոմատից, Պարենավորման ժողկոմատից և այլ հիմնարկներից ու մասնավոր մարդկանցից:

Թանգարանի հարստացմանը զգալի շափով օգնեցին նաև Լենինգրադի և Մոսկվայի թանգարանները: Նրանք իրենց գույքից հարուստ ժողովածուներ նվիրեցին և փոխանակության կարգով Հայաստանի թանգարանին հատկացրին եվրոպական և ռուսական նկարիչների ու քանդակագործների աշխատանքներից:

Թանգարանը, միաժամանակ, մասնավոր մարդկանցից գնում էր առարկաներ: Այս եղանակով ձեռք էին բերվում, գլխավորապես, հին դրամներ, ազգագրական իրեր, տնային կարասու հին տեսակներ, ասեղնագործության նմուշներ, զգեստ և զեղարվեստական նկարներ:



Հայաստանի Պետական Պատմական թանգարանի շենքը Լենինի հրապարակում

Մինչև 1925—26 տնտեսական տարին թանգարանն առանձին բյուջե չուներ, նրա ծախսերը կատարում էր Հոսսավորության ժողովրդական կոմիտեի անունից իր բյուջեի հաշվին և պահանջված դեպքում առձեռն դումար էր տրամադրում թանգարանային առարկաներ գնելու կամ ցուցահանդես կազմակերպելու համար:

Ինքնուրույն բյուջե ունենալը թանգարանին հնարավորություն տվեց դիտական արշավներ կազմակերպել Հայաստանի տարբեր շրջաններ՝ ազգագրական տեսակետով իրարից տարբերվող խմբերն ուսումնասիրելու և նրանց կենացողին ու սովորություններին վերաբերող ազգագրական առարկաներ հավաքելու: Այդ ժամանակ էր, որ հիմք դրվեց նաև ծրագրված Հնագիտական պեղումներին, որոնք, սակայն, լայն զարգացում ունեցան թանգարանի զարգացման հետագա շրջաններում: Այս ժամանակամիջոցում զգալի չափով բնդարձակվեց թանգարանի բռնած տարածությունը, որի մի մասը հատկացվեց ժողովածուների պահպանմանը, իսկ մի մասն էլ ցուցահանդեսներին:

Թանգարանն իր գոյության առաջին շրջանում կազմակերպեց մի քանի ժամանակավոր ցուցահանդեսներ, որոնք բնդհանուր էին և կազմակերպվում էին բոլոր բաժինների մասնակցությամբ: Մեծ չէին և որևէ առանձին խնդրի չէին նվիրված: Քիչ թե շատ ուղիքի բնկ-
14 հանդես. 8 2

նող ցուցահանդեսներ կազմակերպվեցին 1925 և 1930 թվականներին, Հայաստանում սովետական կարգեր հաստատվելու 5-րդ և 10-րդ տարեգարծների առիթով:

Այդ ցուցահանդեսները կազմակերպվեցին Հնագիտական, գրական, ազգագրական, պատկերազրական նյութերի հիման վրա, որտեղ իցույց էր դրված աժեն մի աչրի բնկնող առարկա, առանց որևէ հարցադրման: Այդ երկու ցուցահանդեսներն էլ կազմակերպվեցին մեծ շտապողականությամբ, առանց միատեսակ թանգարանային կահույքի և սյլ հարմարանքների: Այնուամենայնիվ այդ ցուցահանդեսները, որոնց միջոցով առաջին անգամ իցույց էին դրվում Հայաստանի և հայ ժողովրդի մշակույթին ու պատմությանը վերաբերող նյութեր, մեծ հետաքրքրություն առաջ բերին Սրենսնի և մերձակա վայրերի աշխատավոր ժողովրդի մեշ. Ժողովուրդը մեծ և փոքր խմբերով այցելում էր թանգարան՝ տեսնելու համար իր և իր նախորդների մշակույթն ու ազգագրական տարբեր խմբակցությունների կենցաղը, սովորույթները:

Թանգարան այցելողների թիվը եղել է՝ 1925/26 թվ. 14016 մարդ, 1929/1930 թվ.՝ 17226 մարդ: Այցելուների թվից երևում է, որ թանգարանը իրեն նոր երևույթ, դեռևս մեր ժողովրդի կենցաղի մեջ չէր մտել, մանավանդ որ այցելուների մի մասը Հայաստան եկած

դրսեցիներ են եղել: Մեր ժողովուրդը նոր էր ընտելանում թանգարանին և, ինչպես փաստերն են ցույց տալիս, բավական դանդաղ:

Թանգարանի զարգացման առաջին շրջանի ցուցահանդեսները, բացի փոքր ու հապճեպ կազմակերպված լինելուց, զազափարազուրկ են եղել, առարկաների րացատրագրերի մեծ միայն ժամանակն ու տեղն է ցույց արվել և չէ լուսարանվել պատմական միջավայրը: Յուցահանդես կազմակերպողները ղեկնս չղիտեին առարկաների միջոցով պատմական երևույթները բացատրել: Այդ նույն թերութունը գոյություն ուներ Սովետական Միության բոլոր թանգարաններում և այդ էր հիմնական պատճառը, որ 1930 թ. դեկտեմբեր ամսին Մոսկվայում հրավիրվեց թանգարանային աշխատողների համամիութենական խորհրդակցություն, որտեղ ըննարկվեցին սովետական թանգարանների անելիքները: Այդ խորհրդակցությունը նշեց թանգարանային գործի անբավարար վիճակը Սովետական Միության մեջ և կոչ արեց բոլոր թանգարաններին վճռական պայքար ծավալել կղերա-ֆեոդալական և բուրժուական խղիպխտական դադափարախուսության դեմ, վերականգնել թանգարանները մարքս-լենինյան զազափարախուսության ոգով և ստեղծել իսկական սովետական թանգարան:

Այդ խորհրդակցությունը բեկման կետ հանդիսացավ սովետական թանգարանների համար հին, խորթ գաղափարախուսությունից ազատագրվելու գործում: Ի թիվս բազմաթիվ թանգարանների Հայաստանի թանգարանը ևս սկսեց վերակառուցվել և իր ցուցադրությունները կազմակերպել հասարակական ֆորմացիաների զարգացման հիման վրա:

Այստեղից էլ սկսվում է թանգարանի զարգացման երկրորդ շրջանը, որ 1931-ից տևեց մինչև 1939 թ.:

ՆԵՐՏՈՐՈՒ շրջանը բնորոշ է նրանով, որ թանգարանն անընդհատ որոնումների մեջ է գտնելու ցուցադրության նոր ուղիներ, կազմակերպելու համար ցուցահանդեսներ, որտեղ անցյալի նյութական մշակույթի մնացորդները հանդես գան իբրև իրենց դարաշրջանի երկվայթները ցույց տվող վկաներ և ոչ թե ինքնանպատակ առարկաներ, որոնք վկայում են լուրջ իրենց պատրաստող վարպետների արտակարգ շնորհքը:

Առաջին հերթին վերանայվեցին ցուցադրվող առարկաների ժողովածուները և նրանցից բնորոշվեցին այնպիսիները, որոնք բնորոշ են իրենց ժամանակի համար և ցույց են տալիս զարաշրջանի տնտեսությունը, տեխնիկան, հա-

սարակության զբաղմունքը, կենցաղը և սովորույթները:

Այսպես, 1932 թ. հնագիտական բաժնում կազմակերպվեց նախնադարյան տոհմատիրական ժամանակաշրջանը, ստրկատիրական և ֆեոդալական կարգերը ներկայացնող մի ցուցահանդես, որն ընդգրկում էր ընդամենը մի նախասրահ, երկու ցուցասրահ և նրանց հարակից միջանցքը, ընդամենը 250 բառակուսի մետր հատակով:

Սակայն, այդ ցուցահանդեսն ուներ երկու լակտն թերություն: Ելիսովոր թերությունն այն էր, որ հավասարապես բոլոր զարաշրջանների համար անհրաժեշտ ցուցադրական առարկաներ չկային: Թանգարանի ժողովածուները թեև հարուստ էին, բայց մեծ մասամբ պատահական, մեկը մյուսին կրկնող նյութեր էին և, շատ ղեպերում, անկարող էին ներկայացնել մեր ժողովրդի մշակույթի իր բնորոշ կողմերով: Որինակ, այն ժամանակ Հայաստանում բարի զարր բոլորովին չէր ուսումնասիրված և թանգարանում հին բարեղարի առարկաներ չկային. այդ պատճառով ներածական սենյակում հին բարեղարր ներկայացված էր Անգլիայից նվեր ստացված գործիքների գիպսե ընդօրինակություններով:

Այդ ցուցադրության մեջ համեմատաբար հարուստ էր տոհմատիրական կարգերի բայբայման ժամանակաշրջանի բաժինը, որ ներկայացված էր մեծ մասամբ և. կայսյանի և Հայաստանի Հնությունների Պահպանության կոմիտեի կատարած դամբարանային պեղումների նյութերի հիման վրա:

Ստրկատիրական կարգերը ներկայացված էին Ուրարտուի վերաբերյալ նյութերով, որ խիստ միակողմանի և աղբատիկ էր: Այդ բաժնում ցուցադրված էին միայն սեպագիր արձանագրություններ և ղերմանացի գիտնական Լևման Հաուպտի դրբից արտանկարած մի բանի ձևանկարներ:

Ֆեոդալական կարգերը ներկայացված էին հին ու միջնադարյան ժամանակաշրջանին վերաբերող առարկաներով: Հին Հայաստանը պատկերված էր հունական, հռոմեական, պարսկական և հայկական դրամներով, իսկ միջին դարերի բաժնում, բազմաթիվ երկրորդական կարգի առարկաների կողքին աչքի էր ընկնում Մշտ Առաքելուց վանքի հոյակապ քանդակազարդ դուռը:

Այդ ժամանակ Անիի պեղածո նյութերը ցուցադրության մեջ չկային, որովհետև նրանք ուղարկվել էին Լենինգրադ Պետական էրմիտաժում ժամանակավորապես ցուցադրելու և նույնպես ամար:

Այդ ցուցահանդեսը որոշ փոփոխություններով և լրացումներով պահպանվեց մինչև 1939 թ.։ Անիի հնագիտական նյութերը Լենինգրադից ստացվելուց հետո ցուցադրվեցին մի առանձին սրահում, որի բացումը տեղի ունեցավ 1936 թ.։

1932 թ. կազմակերպված Պատմա-հնագիտական ցուցահանգեսի գերը շատ մեծ եղավ Հայաստանի հնագիտության զարգացման համար, որովհետև պարզվեց, թե ինչ ուղղությամբ պետք է ընթանա հնագիտական աշխատանքը քաղցրը լրացնելու և Հայաստանի անցյալի բոլոր փուլերը հավասարապես ուսումնասիրելու և թանգարանում ներկայացնելու համար։

Ամենից առաջ անհրաժեշտ էր հրաժարվել պատահական առարկաներից և Հայաստանի յուրյան դարաշրջանների մշակույթը ներկայացնել սխտեմատիկ պեղումների միջոցով հայտնագործված առարկաներով։

Այդ ժամանակվանից սկսած հետզհետե մշակվեց Հայաստանի հնագիտական աշխատանքների ծրագիրը, որը և գործադրվեց հետագա տարիներին։

Երեսնական թվականներին թանգարանն այլևս մենակ չէր, 1931 թ. հիմնադրվեց Կույտուրայի պատմության ինստիտուտը։ 1936 թ. ՍՍՌԿ Գիտությունների ակադեմիայի հայկական ֆիլիալի կազմում ստեղծվեց հնագիտության սեկտոր։ Հաճախ այդ երկու հաստատությունները թանգարանի, երբեմն էլ Հուշարձանների Պահպանության կոմիտեի և Լենինգրադի Պետական էրմիտաժի հետ համատեղ պեղումներ կատարեցին Հայաստանում, որոնք խոշոր արդյունքներ տվին։

Այսպես օրինակ՝

Քաբդաբը Հայաստանում հայտնագործվեց 1948—1950 թթ.։

Պղնձի դարը, որ հաջորդել է բարի գարին և ընդգրկում է մ.թ.ա. III հազարամյակը, Հայաստանում ուսումնասիրվեց Շենգավիթում 1935—1957 թթ. պեղումների ժամանակ։

Բրոնզի դարը պեղվեց գլխավորապես Լճաշենում։ Այդ դարաշրջանն ընդգրկում է գրեթե ամբողջ II հազարամյակը մ.թ.ա. և հաջորդել է պղնձի դարին։ Լճաշենի պեղումներն սկսվել են 1954 թ. և դեռ շարունակվում են։

Ուրարտուի մշակույթը (X—VI դդ. մ.թ.ա.) ուսումնասիրվում է Կարմիր-բլուրի և Արին բերդի պեղումների հիման վրա։

Հնաուրարտյան ժամանակաշրջանը (VI—IV դդ. մ.թ.ա.) ուսումնասիրվում է Դվինի ստորին շերտերի պեղածո հարուստ նյութերի հիման վրա։

Հին Հայաստանը (III դ. մ.թ.ա. IV դ.) ուսումնասիրվում է գլխավորապես Գառնի ամրոցի պեղածո նյութերի հիման վրա։

Միջնադարյան Հայաստանը (IV—XIII դդ.)՝ Դվինի պեղումներով։

Վերը թվարկած պեղումները ոչ միայն հնարավորություն տվեցին ուսումնասիրելու Հայաստանի պատմության տարբեր շրջանները, այլև ձեռք բերած նյութերի հիման վրա կարելի դարձավ թանգարանային ամբողջական ցուցահանգես կազմակերպել, մշակույթի բազմաթիվ առաջնակարգ հուշարձանների միջոցով։ Եվ երբ 1939 թ. հարկ եղավ «Սասունդի Դավիթ» ժողովրդական դրուցազներգության 1000-ամյակի տոնակատարության ժամանակ թանգարանում ցուցադրել Հայաստանի միջնադարը, մեր թանգարանը կարողացավ այդ կատարել առանց մեծ դժվարությունների։

«Սասունդի Դավիթ» 1000-ամյակին նվիրված ցուցահանգեսը մի կարևոր պատմական երևույթ էր՝ հայ ժողովրդի դարավոր մշակույթի նշանակությունը բարձրացնելու և ամենայան չափերով ժողովրդականացնելու համար։

Թանգարանի զարգացման երկրորդ շրջանում մեծ չափերով աճեց նաև ազգագրական բաժինը։ 1931 թ. սկսած, մի քանի տարի իրար հետևեց արշավներ կազմակերպվեցին պրոֆ. Ստ. Լիսիցյանի գլխավորությամբ Հայաստանի և Անդրկովկասի հայաբնակ մի շարք վայրեր՝ ուսումնասիրելու ժողովրդի կենցաղը և հավաքելու ազգագրական առարկաներ։ Ուսումնասիրվեցին Գորիսի, Սիսիանի (1931), Մեղրու (1932), Կիրովականի և Ստեփանավանի (1934—1935), Լենինականի, Վրացական ՍՍԽ Ախալցխայի և Ախալքալարի (1936) շրջանները, որոնց ընթացքում ձեռք բերվեցին բազմաթիվ առարկաներ։

1934 թ., նոր ձեռք բերված նյութերի հիման վրա, ազգագրական բաժինը կազմակերպեց Զանգեզուրի և Մեղրու հայերի կենցաղին և սովորություններին նվիրված ընդարձակ մի ցուցահանգես։

Ցուցահանգեսում առարկաների և պատկերների միջոցով ներկայացված էր ժողովրդի զբաղմունքը, հին գյուղի սոցիալական շերտավորումը, շահագործումը, տնայնագործական օժանդակ արհեստները, սովորույթները և կենցաղը։

Այս ցուցադրությունը լինելով իր տեսակի մեջ առաջինը, իհարկե, ուներ թերություններ, բայց նա մեր թանգարանի ազգագրական բաժնի համար ունեցավ կարևոր նշանակություն։

որովհետև բաց արևց ցուցադրության համար նոր ուղի, Ազգագրությունն այլևս ժողովրդի միայն սնոտիապաշտությունը և ծեսերը չէր ներկայացնում, այլ ամենից շատ զբաղվում էր կենսական հարցերով, ժողովրդի զբաղմունքով, նրա՝ բնական միջավայրին հարմարվելու, բնության բնական հնարավորություններից օգուտ քաղելու, նրա ստեղծած արվեստի խնդիրներով:

Այս շրջանում թանգարանի կյանքում տեղի ունեցավ մի կարևոր իրադարձություն, 1935 թ. Հայաստանի Պետական կուլտուր-պատմական թանգարանը բաժանվեց երեք ինքնուրույն թանգարանների, որոնցից Պետական Պատմական քանդաւանը իր կազմի մեջ պահեց հնագիտական և ազգագրական բաժինները, իսկ պարվեստի քանդաւանը (այժմ Պատկերասրահ)՝ զեղարվեստական բաժինը, Գրական քանդաւանը՝ գրական բաժինը: Այնուհետև մեր այդ երեք թանգարաններն սկսեցին զարգանալ իրարից անկախ, ինքնուրույն կերպով:

Թանգարաններն անջատվելուց հետո պետության կողմից դրամական հատկացումները և աշխատակիցների թիվը մեծացան: Եթե 1935 թ. բոլոր երեք բաժիններն ունեին 208 003 ռուբլու բյուջե, 1936 թ. միայն Պատմական թանգարանն ստացավ 103 000 ռուբլի, իսկ 1939 թ.՝ 350 000 ռուբլի:

Թանգարանի զարգացման երկրորդ շրջանում այցելությունների թիվը դեռևս շատ փոքր էր և թանգարանը ոչ մի միջոցի չէր դիմում ժողովրդական զանգվածները թանգարանի հետ կապելու համար: 1932 թ. հնագիտական բաժինն այցելեցին 5676, իսկ 1937 թ.՝ 12 519 մարդ:

Ձանգեզուրի և Մեղրիի կենցաղին ու սովորություններին նվիրված ցուցահանդեսն ավելի շատ այցելուներ ունեցավ, 1933 թ. այդ բաժինն այցելեցին 15 753, իսկ 1934 թ.՝ 29 424 մարդ:

Փաստերը ցույց են տալիս, որ երբ ժողովրդին տալիս ենք նորություններ և հետաքրքիր, հուզող հարցերի նվիրված ցուցահանդես, ապա այցելուների թիվը մեծ է լինում: 1939 և 1940 թթ. 9 ամսվա ընթացքում «Սասունցի Դավիթ» դուցազնավեպին նվիրված ցուցահանդեսը գիտեց 46 000 մարդ: Այդ թիվն իր ժամանակի համար բավական մեծ էր:

1940 թ. թանգարանն անցավ Գիտությունների ակադեմիայի գիտական հիմնարկների շարքը և այդ ժամանակվանից նա թևակոխեց իր զարգացման երրորդ շրջանը:

Երրորդ շրջանը բնորոշ է նրանով, որ թանգարանում ուժեղանում և նոր թափ է ստանում գիտա-հետադոտական աշխատանքը, թանգա-

րանը դառնում է հայ ժողովրդի պատմության տարբեր բնագավառների ուսումնասիրության մի կարևոր օջախ: Այս շրջանում, որ տևում է մինչև մեր օրերը, թանգարանը բարձրանում և չանդնում է Սովետական Միության թանգարանների առաջին շարքերում: Աճում, հասակ են առնում գիտական աշխատողները, շատանում է նրանց թիվը, ասպիրանտուրայի միջոցով պատրաստվում են թանգարանային աշխատողների նոր կադրեր, որոնց մի մասն իր ուսումն ստանում է Մոսկվայի և Լենինգրադի առաջնակարգ թանգարաններում: Այս շրջանում թանգարանը ձևավորվում է խոշոր հնագիտական պեղումներ՝ Դվինում, Լճաշենում, Արթիկում և այլուր, սկսում է հրատարակել առանձին գրքեր և աշխատությունների ժողովածուներ Հայաստանի հնագիտության, ազգագրության և պատմության տարբեր հարցերի վերաբերյալ:

Այս շրջանում թանգարանի գիտական դեկավարության մեջ, իբրև խորհրդատու, մեծ դեր է խաղում ակադեմիկոս Հովսեփ Օրբելին: Սովետական Միության լավագույն թանգարանագետներից մեկը:

Թանգարանի հրատարակած գրքերից Դիշատակության արժանի են ճարտարապետ Թ. Թորամանյանի աշխատությունների երկու սովոր հատորները, որոնցից առաջինը լույս տեսավ 1942 և երկրորդը՝ 1948 թվականին: Կ. Արրահամյանի «Արհեստները Հայաստանում IV—XVIII դդ.» գիրքը տպագրվեց 1956 թ.: Թանգարանը հրատարակեց նաև հայերեն վիժական արձանագրությունների երկու ժողովածուներ, որոնցից մեկը նվիրված է Հովհաննավանքին և մյուսը՝ Սանահնին: Հրատարակվել են «Աշխատություններ Հայաստանի Պետական Պատմական թանգարանի» ժողովածուի հինգ հատորները, որոնց մեջ բացի պատմագիտական, հնագիտական և ազգագրական բնութագրի ուսումնասիրություններից, քննարկվել են նաև թանգարանագիտական հարցեր: Հրատարակվել է պրոֆ. Ստ. Լիսիցյանի կազմած Ազգագրական հարցարանը, որ ազգագրագետների համար ուղեցույց է ծառայում ժողովրդի կենցաղի ու սովորությունների մասին գրանցումներ կատարելիս:

1952 թ. լույս է տեսել Դվինի պեղումների արդյունքներին նվիրված գրքի առաջին հատորը, որ բնագրվում է 1937—1950 թթ. աշխատանքներ:

1939 թ. հետո թանգարանը մի նոր շրջան դարձ կատարեց նաև իր ցուցահանդեսային աշխատանքների մեջ: Եթե առաջներում հնագիտական բաժնում մեր ժողովրդի միայն հին-

մշակույթն էր ցուցադրում, այժմ սկսեց ձեռնարկել մշտական ցուցադրությունը կազմակերպելուն, որ ընդգրկելու էր Հայաստանի և հայ ժողովրդի պատմությունն ու մշակույթը հնագույն թարի դարից սկսած մինչև մեր օրերը:

Այդ դժվարին աշխատանքը հետզհետե առաջ դնաց և ավարտվեց 1960 թ. Բացի այդ, թանգարանը կազմակերպեց մի շարք հոբելյանական ցուցահանդեսներ՝ նվիրված Հայաստանում Սովետական կարգեր հաստատվելու 20, 25, 30 և 35-ամյակներին և Հոկտեմբերյան սոցիալիստական Մեծ ռեվոլյուցիայի 30 և 40-ամյակներին: Այդ ցուցահանդեսներում ցուցադրվել են Սովետական Հայաստանի նվաճումները սոցիալականության, գյուղատնտեսության, մշակույթի բնագավառներում, որոնցից յուրաքանչյուրն ունեցել է առնվազն 60 000 այցելու մի: քանի ամսվա ընթացքում, իսկ 1957 թ. կազմակերպված 9 ամսվա ընթացքում ունեցավ 130 000 այցելու, որ մինչև այսօր չգերազանցված թիվ է Հայաստանի թանգարանների համար:

Պատերազմի տարիներին թանգարանը կազմակերպեց մի շարք շրջիկ ցուցահանդեսներ, հարմարեցրած գործարանային ակումբներին, որոնք նվիրված էին ժողովուրդների բարեկամության, հայրենասիրության, հայ և ռուս ժողովուրդների հերոսական անցյալին և այլն:

1943 թ. թանգարանում կազմակերպվեց Կովկասի լեռներում ֆաշիստական զորքերից խլված ռազմական ավարի ցուցահանդես, որը վեց ամսվա ընթացքում ունեցավ 65 000 այցելու:

Թանգարանն այսօր ՀՍՍՌ Գիտությունների ակադեմիայի գիտա-հետազոտական հաստատություններից մեկն է, և նրա վրա է դրված հայ ժողովրդի պատմության ու մշակույթի ցուցադրությունը, նյութական մշակույթի մնացորդների հավաքումը և ուսումնասիրությունը պատմական, հնագիտական և ազգագրական տեսակետով:

Թանգարանն այժմ սերտորեն համագործակցում է 1959 թ. հիմնադրված հնագիտության և ազգագրության ինստիտուտի հետ, ինչպես դաշտային, այնպես էլ գիտա-հետազոտական աշխատանքների բնագավառում:

Բացի այդ, թանգարանը մեծ չափով օժանդակել է Ռեվոլյուցիայի պետական թանգարանին, տալով նրան իր հարուստ ժողովածուներից 4567 փաստաթղթեր և լուսանկարներ, մի քանի հազար լուսանկարչական սևապակիներ, որոնք վերաբերում են Հայաստանի ռեվոլյուցիոն շարժումներին:

Թանգարանը օգնել է նաև Երևան քաղաքի պատմության, լենինականի դավառագիտական և մի շարք այլ թանգարանների կազմակերպմանն ու զարգացմանը:

Հայաստանի Պատմական թանգարանը գիտական սերտ կապեր ունի լենինգրադի Պետական էրմիտաժի, Մոսկվայի Պատմական թանգարանի, Պուշկինի անվան արվեստի թանգարանի, լենինգրադի Ազգագրական թանգարանի, Վրաստանի և Ադրբեջանի թանգարանների հետ:

Հայաստանի Պատմության Թանգարանն այսօր ունի հետևյալ կառուցվածքը՝

Ա. Չորս բաժիններ՝

1. Հին և միջնադարյան պատմության,
2. Նոր և նորագույն պատմության,
3. Հաշվառման և պահպանման,
4. Մասսայական աշխատանքի:

Հաշվառման և պահպանման բաժինն ունի չորս աշխատանոցներ՝ 1. կավանդների վերականգնման և մակետների պատրաստման, 2. մետաղների մաքրման և վերականգնման, 3. բանվածքների և ասեղնագործությունների վերականգնման, 4. լուսանկարչատուն և երկու արհեստանոց (ատաղձագործական և կազմարարական):

Մասսայական աշխատանքի բաժինն ու պատրաստում է ցուցահանդեսը, կազմակերպում է դասախոսություններ և աշակերտական խմբակներ, որոնք ուսումնասիրում են Հայաստանի հնագիտությունը, ազգագրությունը և պատմությունը:

Բ. Թանգարանն ունի գիտական չորս կաթիններ՝

1. Հնագիտության,
2. Լիսիցյանի անվան ազգագրության,
3. Դրամագիտության և
4. Ծարտարապետության:

Այժմ թանգարանում գործում է հայ ժողովրդի և նրա նախորդների մշակույթին նվիրված մշտական ցուցահանդես թանգարանից սկսած մինչև XIX դարի վերջը: Այդ ցուցահանդեսը հետզհետե լրացվում է նոր հայտնագործված նյութերով: Բարեփոխվում է նաև ցուցադրության եղանակը նորագույն մեթոդների հիման վրա:

Պատմական թանգարանը պարբերաբար կազմակերպում է հայ ժողովրդի մշակույթին նվիրված շրջիկ ցուցահանդես շրջանային ակումբների համար:

Տպագրության ընթացքում է գտնվում պատմական գիտ. թեկնածու Խաչիկ Մուշեղյանի «Դրամական շրջանառությունը Դվինում

րստ պեղածո նյութերի» աշխատությունը Այս տարի տպագրության է հանձնվելու թանգարանի աշխատությունների 6-րդ հատորը, տողերիս գրողի «Հաղրատ» մենագրությունը, որի մեջ բացի վիմական արձանագրություններից քննարկվում է նաև Հաղրատի ճարտարապետությունը, ճշգրտվում են հուշարձանների կառուցման և վերանորոգման թվականները և կառուցման հանգամանքները:

Արդեն տպագրվել է մշտական ցուցահանդեսի ուղեցույցը: Խմբագրվում են անցյալ տարիներին գրված թանգարանի հայերեն արձանագրությունների, գեմմաների և կնիքների (Ե. Մուշեղյան), ոսկերչական առարկաների (Վ. Արրահամյան) գիտական կատալոգները, որոնք տպագրության են հանձնվել այս տարվա սկզբին:

Տպագրության են պատրաստվում Դվինի նվիրված ստվարածավալ աշխատության երկ-

րորդ հատորը, որ ընդգրկում է 1951—1960 թվականների պեղումների արդյունքները, Լճաշենի (Հ. Մնացականյան) և Արթիկի (Տ. Խաչատրյան) դամբարանային պեղումների գիտական հաշվետվությունները:

Աղղաղրության կարիքներ հրատարակության է պատրաստում մի մենագրություն: Նվիրված հայկական համարությունների (Վ. Արրահամյան):

Նոր և նորագույն պատմության բաժինը ուսումնասիրում է Կիլիկյան Հայաստանի ազգային ազատագրական շարժումները (Վ. Մելիքսեյան), Ալավերդու բանվոր դասակարգի և պղնձահանքերի պատմությունը (Վ. Մալաշյան) և ուրիշ շատ խնդիրներ:

Արագորեն աճում են թանգարանային առարկաների ժողովածուները: Այդ են ցույց տալիս հետևյալ թվական տվյալները:

Թանգարանային առարկաների տեսակները	Ձեռքբերումների քանակն առարկաների թվով				Այս մեկը հունիսի 1-ի դրությամբ 1961 թ. թանգարանի ունեցածը
	1921—1930	1931—1940	1941—1950	1951—1960	
1. Հնագիտական	4972	9259	3368	7548	25147
2. Երամագիտական . . .	7601	10397	4052	13656	35706
3. Ազգագրական	2716	2327	378	3474	8895
4. Նոր պատմության . . .	—	—	—	1210	1210
5. Ճարտարապետական .	—	—	—	1770	1770
6. Հայաստանի պատմահնագիտական և ազգագրական լուսանկարների սևապակիներ	—	2812	12966	4208	19986
7. Հին հրատարակության հայերեն գրքեր . . .	—	—	—	758	758
8. Օժանդակ առարկաներ (նկարներ, դժագրքեր, մակետներ, լուսանկարներ, պատճեններ)	—	—	—	12886	12886
Ընդամենը	15289	24795	20764	45510	106358

Բացի այդ, թանգարանի մասնագիտական դրադարանն ունի 34 000 հայագիտական գրքեր: Հետզհետե ավելանում է թանգարանն այցելողների թիվը: Այդ են ցույց տալիս ստորև

բերվող թվական տվյալները, որոնք վերցված են մուտքի տոմսերի և տարեկան հաշվետվությունների տվյալներից:

Պատմական քանդարան այցելողների թիվն ըստ տասնամյակների

1925—1930 թթ.	—78.111	մարդ հինգ տարվա ընթացքում
1931—1940	» —197.796	» տասը տարվա ընթացքում
1941—1950	» —264.912	» » » »
1951—1960	» —483.318	» » » »

ընդամենը 35 տարվա ընթացքում՝ 1.028.197 մարդ

Այս թվական տվյալների մեջ չեն մտնում թանգարանի ֆիլիալների, շրջիկ ցուցահանդեսների, ազգագրական բաժնի 30-ական թվականների 8 տարիների այցելությունները, սակայն, հետևողականորեն աճը ցույց է տալիս, որ թանգարանն իրոր դարձել է մեր ժողովրդի դաստիարակման, մտավոր զարգացման կարևոր օջախներից մեկը և Հայաստանի նյութական մշակույթի պահպանության կենտրոնը։

Մեր թանգարանը սփյուռքահայության սիրած օջախներից մեկն է։ Արտասահմանից եկած հայերը մեծ սիրով են այցելում թանգարան և, բացի այդ, օտարության մեջ ընկնող շատ հայեր նվերներով իրենց կարոտն ու սերն

են արտահայտում հայրենի երկրին և նրա անցյալի հայելին հանդիսացող պատմական թանգարանին։

• • •

Հայաստանի Պետական Պատմական թանգարանն այժմ թեկնոսում է իր գոյության երկրորդ քառասնամյակը՝ զիտահետադուր և կուլտուր-լուսավորական աշխատանքի ավելի փայլուն հեռանկարներով։

Նրա աշխատակիցների կոլեկտիվը միշտ կանգնած կմնա սովետական թանգարանագիտության առաջավոր շարքերում։

Կ. Ղ.

ПУБЛИКАЦИЯ ДОКУМЕНТОВ ИЗ ИСТОРИИ АРМЯНСКОЙ КОЛОНИИ
ВО ЛЬВОВЕ В XVI—XVIII ВЕКАХ

Изучение истории древнего украинского города Львова немислимо без исследования той роли, которую играла армянская колония в прошлом города. Ни одна научная работа, ни одна публикация архивных материалов не может обойти молчанием львовскую армянскую колонию, занимавшую заметное место в экономической и культурной жизни города в период феодализма.

Среди 137 документов, из которых составлен недавно изданный во Львове сборник документов «Социальная борьба в городе Львове в XVI—XVIII вв.¹, десять документов (№ 16, 23, 26, 28, 48, 80, 101, 106, 107, 111) имеют отношение к истории армян на Украине. Сборник составлен научными сотрудниками Центрального госу-

дарственного исторического архива во Львове, располагающего наиболее богатыми на Украине фондами, отражающими как феодальный период истории Украины вообще, так и историю армянских колоний в западноукраинских городах (Львов, Броды, Жовква, Золочев, Станислав и др.), в частности. Публикуемые в сборнике документы из истории армянской колонии во Львове подобраны составителями из двух архивных фондов — из фонда Львовского городского суда и фонда Совета города Львова. Документы, датированные между 1598 и 1708 гг., отражают самые различные стороны жизни армянской колонии и существенным образом углубляют наши знания о ней.

Публикуемые архивные материалы убедительно показывают, что основной причиной враждебного отношения польского католического патрициата, господствовавшего в средневековом городе, к львовским армянам явились экономические факторы — конкуренция между армянскими и неармянскими купцами (док. № 16, 28, 43, 106). В одном из документов (№ 48, 1608 г.) подробно перечисляются товары,

¹ Соціальна боротьба в місті Львові в XVI—XVIII ст. Збірник документів. Упорядники А. Л. Грицеляк, А. М. Охрим, Х. А. Панек, П. І. Фостик-Захарчишина. Під редакцією Я. П. Кіся. Львів, Видавництво Львівського університету, 1961. 443 с. (Центральний державний історичний архів у місті Львові).